



Broj: 22-04-44-1-2/19
Sarajevo, 03.01.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 31.12.2018. do 07:00 sati 03.01.2019. godine

Profesionalna vatrogasna jedinica Kantonalne uprave civilne zaštite Kantona Sarajevo:
U izvještajnom periodu pripadnici Profesionalne vatrogasne jedinice imali su 21 intervenciju.

Veća intervencija je bila dana 01.01.2019.godine u 20:30 sati, u ulici Balibegovica br. 20 (Stari grad) gdje je došlo do požara na stambenom objektu. U intervenciji gašenja je učestvovalo sedam vatrogasaca sa dva vatrogasna vozila. Požar je lokalizovan u 20:59 sati a likvidiran u 22:43 sati. U požaru nije bilo povrijeđenih.

Preostale intervencije su bile manje. Gašeni su dimnjaci na stambenim objektima (5), smeće u kontejnerima (3), izolacija kuće (1), manji požari u kuhinji i stubištu (3), automobil (1), nisko rastinje (1).

Pored toga PVJ je imala 3 tehničke intervencije (zaglavljen lift, asistencija policiji nakon saobr. udesa i sapiranje platforme nakon tankanja goriva) i 3 intervencije obezbjeđenja (koncerti i vatromet).

Napomena: U protekla 24 sata pripadnici Profesionalne vatrogasne jedinice imali su 4 manje intervencije na gašenju dimnjaka na stambenim objektima (3) i kontejnera sa smećem (1).



JU Zavod za javno zdravstvo Kantona Sarajevo: U periodu od 17.12. do 23.12.2018. godine, na području Kantona Sarajevo ukupno je prijavljeno 56 slučajeva zaraznih bolesti obaveznih prijavi, od toga: 14 angina streptoc. (streptokokna angina), 12 enterocolitis ac. (enterokolitis), 13 herpes zoster (šindre), 2 mononucleosis (mononucleoza), 8 nosocomial infections (bolničke infekcije), 1 salmonellosis (salmonela), 2 scabies (svrab, šuga), 2 scarlatina (šarlah) i 2 toxiinfectio al. (trovanje hranom).

KJKP Rad: Zimska služba je angažovana na čišćenju saobraćajnica I i II prioriteta na području četiri gradskve općine za koje je ovo preduzeće zaduženo.

Saobraćajnice I i II prioriteta su očišćene. Na terenu je trenutno angažovano 46 specijalizovanih vozila i 120 radnika na ručnom čišćenju snijega. Sve ulice kojima se kreću autobuse, trolejbuske i tramvajske linije su očišćene od snijega i prohodne.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila -5°C, vlažnost zraka 89%, barometarski pritisak 946 hPa. Visina snježnog pokrivača iznosi 15 cm.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1